

wan im wart dicke geseit,  
 daz disiu selbe siecheit  
 wære vil mislich  
 und etelichiu genislich.  
 des wart vil maneger slahte  
 sîn gedinge und sîn ahte.  
 er gedächte, daz er wære  
 vil libte genisbære, 10  
 und fuor alsô drâte  
 nâch der arzâte râte  
 gegen Munpasiliere.  
 dâ vand er vil schiere  
 niht wan den untrôst,  
 daz er niemer wûrde erlôst.

Daz hôrte er vil ungerne  
 und fuor gegen Salerne  
 und suochte ouch dâ durch genist  
 der wîsen arzâte list. 20  
 den besten meister er dâ vant.  
 der seite ime zehant  
 ein seltsæne mære,  
 daz er genislich wære  
 und wære doch iemer ungenesen.  
 dô sprach er 'wie mac daz wesen?  
 diu rede ist harte unmügelich.  
 bin ich genislich, sô genise ich:  
 und swaz mir für wirt geleit  
 von guote oder von arbeit, 30  
 daz trûwe ich vollebringen.'  
 'nu lât daz gedingen,'  
 sprach der meister aber dô;  
 'iuwerre sülhte ist alsô  
 (waz frumet daz ichz iu kunt  
 dâ hoeret arzenie zuo: [tuo?):  
 des wæret ir genislich.  
 nu enist aber nieman sô rîch  
 noch von sô starken sinnen,  
 der sî müge gewinnen. 40  
 des sint ir iemer ungenesen,  
 got enwelle der arzât wesen.'

Dô sprach der arme Heinrich  
 'war umbe untrestent ir mich?  
 jâ hân ich guotes wol die kraft:  
 ir enwellent iuwer meisterschaft  
 und iuwer reht ouch brechen  
 und dar zuo versprechen  
 beidiu mîn silber und mîn golt,  
 ich mache iuch mir alsô holt 50  
 daz ir mich harte gerne ernert.'  
 'mir wære der wille unrewert,'  
 sprach der meister aber dô,  
 'und wære der arzenie alsô,  
 daz man sî veile funde  
 oder daz man sî kunde  
 mit deheinen dingen erwerben,  
 ich enlieze iuch niht verderben.  
 nu enmac des leider niht sîn:  
 dâ von muoz iu diu helfe  
 mîn 60  
 durch alle nôt sîn versaget.  
 ir müesent haben eine maget,  
 diu vollen vribære  
 und ouch des willen wære,  
 daz sî den tût durch iuch lite.  
 nu enist ez niht der liute site,  
 daz ez iemen gerne tuo.  
 sô høert ouch anders niht dar  
 zuo  
 niwan der megede herzen bluot:  
 daz wære für iuwer suht  
 guot.' 70

V. 163.—232.

3.

Got hete dem meiger gegeben  
 nâch sîner ahte ein reinez leben.  
 er hete ein wol erbeiten lip  
 und ein wol werbendez wip;  
 dar zuo het er schœniu kint,  
 diu gar des mannes fröude sint,